



Finansira  
Evropska unija

## Regionalni program lokalne demokratije na Zapadnom Balkanu 2 ReLOaD2



u partnerstvu sa Gradom Goražde

### IZVJEŠTAJ O ODRŽANOM VI (ŠESTOM) MENTORSKOM SASTANKU U OKVIRU JAVNOG POZIVA ZA PREDAJU PROJEKTNIH PRIJEDLOGA U SKLOPU PROJEKTA REGIONALNI PROGRAM LOKALNE DEMOKRATIJE NA ZAPADNOM BALKANU (RELOAD2) U GRADU GORAŽDE

U okviru Javnog poziva za organizacije civilnog društva/nevladine organizacije za predaju prijedloga projekata koji se organizuje u sklopu projekta „Regionalni program lokalne demokratije na Zapadnom Balkanu“ (ReLOaD2)<sup>1</sup> u saradnji sa Gradom Goražde, u ponedjeljak, 13. novembra 2023. godine u trajanju od 11.00 do 13.00 sati održan je **šesti mentorski sastanak** za zainteresovane predstavnike organizacija civilnog društva (OCD).

Termin mentorskog sastanka najavljen je na zvaničnoj internet stranici Grada Goražda ([www.gradgorazde.ba](http://www.gradgorazde.ba)). Dodatno, kako bi se osiguralo da su OCD obaviještene o mentorskoj sesiji, administracija Grada Goražda je dostavila cirkularnu elektronsku poštu na kontakt adrese organizacija civilnog društva. Mentorskom sastanku prisustvovala su 4 predstavnika/ice OCD-a (2Ž i 2M).

Učesnici koji su došli na mentorski sastanak, donijeli su i projektnu dokumentaciju.

- Projekat treba imati **kontinuitet**, i za ovaj javni poziv može trajati od 6 do 12 mjeseci u periodu od januara 2024. do decembra 2024. godine;
- Minimalna vrijednost projekta je 10 000 KM za ovaj javni poziv.
- Neophodno je **opisati svaku budžetsku stavku** u Aplikacionoj formi pod naslovom 12. Opis u aplikacionoj formi treba da se podudara sa Budžetom prikazanim u excel tabeli (Aneks 2).
- Ukoliko aplikant zna ko će biti angažirano osoblje na projektu, tada u **dio 1. Aplikacione forme** popunjava tabelu sa imenima i pozicijama osoba u projektu (priložiti njihov CV). U daljem tekstu aplikacione forme, planu aktivnosti i budžetu ne navode se imena angažiranog osoblja već pozicije/funkcije koje su predviđene projektom (koordinatorica, edukatorica, trenerica, psihologinja, logoped...)
- **Grantom** koji se dodjeljuje u okviru ovog poziva mogu se finansirati **administrativni troškovi** (ljudski resursi, putovanja/ prevoz i kancelarijski troškovi) u maksimalnom iznosu **do 30% od ukupnog budžeta**. Iznos traženih sredstava za kupovinu **opreme i rekonstrukciju** ne može u kumulativnom iznosu prelaziti **30% od ukupnog budžeta**;
- Iznos traženih sredstava za troškove **vidljivosti** u kumulativnom iznosu ne može prelaziti **5% od ukupne vrijednosti budžeta**.

<sup>1</sup>Regionalni program lokalne demokratije na Zapadnom Balkanu (ReLOaD) finansira Evropska unija (EU), a provodi Razvojni program Ujedinjenih nacija (UNDP).



Finansira  
Evropska unija

## Regionalni program lokalne demokratije na Zapadnom Balkanu 2 ReLOaD2



- Ponovljeno je još jednom važnost **saglasnosti relevantnih institucija** ili pismo podrške menadžmenta škola ukoliko će se raditi sa mladim iz škola (za direktan rad u školama neophodna je saglasnost Ministarstva obrazovanja).
- **Koncept projektne ideje** treba da je jasan i predstavljen kroz sva 4 dokumenta prijedloga projekta na isti način.
- **Kvantitet i opis** ciljne grupe treba biti jasno prezentiran u aplikacionoj formi.
- **Pretpostavke** su vanjski faktori velike vjerovatnoće dešavanja koji utiču na isporuku ciljeva iz prve kolone logičkog okvira. Iskazuju se afirmativno (pomažu da se ostvare ciljevi projekta).
- **Indikatori** opisuju ciljeve projekta na operativno mjerljiv način i tačno određuju koji su to standardi koji moraju biti dostignuti kako bi sveukupni cilj, specifični cilj i rezultati projekta bili ostvareni. Indikator treba biti specifičan, mjerljiv, dostižan, relevantan i vremenski određen (SMART).  
**Polazište** je vrijednost indikatora u momentu kada se priprema prijedlog projekta. Svaki cilj ima **minimum jedan SMART indikator**. Indikatori se ne ponavljaju, tj. **dva cilja ne mogu imati isti indikator**.

**Šesti mentorski sastanak** je ujedno i posljednji mentorski sastanak. Predaja projektne dokumentacije je do **17. novembra do 15 sati** sa naznakom za ReLOaD2 projekat na adresi:

Grad Goražde

Ulica Maršala Tita 2

73000 Goražde, Bosna i Hercegovina

Nakon objavljivanja rezultata ovog javnog poziva za Grad Goražde, biće održan Informativni sastanak kako bi se prezentirali rezultati i naučene lekcije koje će pomoći učesnicima da unaprijede svoje prijedloge projekata za sljedeće javne pozive.